

Al strascee

Al partiva prèst de matina,
per rivà de bunura in paess,
cunt la bici a do root,
o cunt carèt e caval,
per atà soeu, oss, strasc, fer,
e olter ròp....cumè scambi,
al dunàva, fil, gocc, petin, didà,
mulèt, savon....al bagaj, caramèl
e dolciumi vari.....sembrava
sembrava l' urchestra del alo liscio....
delèn, delèn, la sunàva la campana,
per avisà tocc del so ariff.....
l' onurevol strascee, al faseva
afari per tocc, i vecc, picinen,
e anca grant, eran atirà
cumè calamita de sto rebelòt.
“ Adasi, gà né per tocc.....
Maria, ciàpa a fil fort,
e te bagaj, un bel caramelòt....
Luis, a gò una lamèta
special per la tua barba “
E po', al cambiava strada...
“ Genuefa...to purtà la gugia,
bèla forta, per la machina
de cùse, cunt a didà ch'el se rot.....
cùses be, me racumandi.....”
E via de sto pàss, el girava
in lunch e in larch fina sira.
Porr strascee, dopu una giurnada,
al sembava rimbambi.....
Tot per vèga quater palanchèt,
la sua passion l' era quèla de fa fortuna.....
mà al sarà sempre un strascee.

5-10-2017